

A decorative border made of musical notes and stems, forming a rectangular frame around the text.

Ich hätt gärn Schuel...

Pascal Flury, April 2020

Ich hätt gärn Schuel morn Morge, denn hätti keini Sorge
Ging hoppla hopp voruse, statt in mim Bettli pfuse
Ich stell mir vor, wie das so wär, es kah nid sy, das fällt mir schwär!

Mir blybe schön deheime, und dien chli Lieder reime
Will dusse es isch wohr, sinn mir e grossi Gfohr
Ich stell mir vor, wie das so wär, es kah nid sy, das fällt mir schwär!

Mir mien jetzt Abstand halte und trotzdem zämmehalte
Und dien do zämme singe, statt dusse umespringe
Ich stell mir vor, wie das so wär, es kah nid sy, das fällt mir schwär!

Und alli, wo das höre – die selle jetzte schwöre
Dass sie das au so mache, denn mir wänn wider lache
Ich stell mir vor, wie das so wär, es kah nid sy, das fällt mir schwär!

Juhui so schön könnt's sy, «Corona» isch bald verby.
No e Zyt deheime hocke, denn wider d Schuel go rocke!
Ich stell mir vor, wie das so wär, es kah nid sy, das fällt mir schwär!

#StayAtHome, Primarschuel Allschwil